

UNIVERZITET U SARAJEVU-FARMACEUTSKI FAKULTET

POSLOVNIK O RADU KOMISIJE ZA IZBOR U AKADEMSKA ZVANJA

Sarajevo, august, 2024. godine

Na osnovu člana 121. stav (6) Zakona o visokom obrazovanju („Službene novine Kantona Sarajevo" broj 36/22) i člana 256. stav 1. Statuta Univerziteta u Sarajevu, a po osnovu Konkursa za izbor saradnika u zvanje asistenta na nastavnim predmetima „Farmaceutska hemija I“ i „Farmaceutska hemija II“ na Univerzitetu u Sarajevu – Farmaceutskom fakultetu, Katedra za farmaceutsku hemiju – 1 izvršilac sa punim radnim vremenom, raspisanog 26.06.2024. godine i Odluke Vijeća Fakulteta o imenovanju komisije za pripremanje prijedloga za izbor saradnika u zvanje asistenta br. 0101-3623/24 od 29.07.2024. godine, Komisija na konstituirajućoj sjednici održanoj 19.08.2024.godine donosi

POSLOVNIK O RADU KOMISIJE ZA IZBOR U AKADEMSKO ZVANJE

I - OPĆE ODREDBE

Član 1

(Predmet Poslovnika)

Ovim Poslovníkom se bliže uređuju nadležnosti, način rada kao i druga pitanja od značaja za rad Komisije za provođenje Konkursa za izbor u akademsko zvanje (u daljem tekstu: Komisija):

- saradnika u zvanje asistenta na nastavnim predmetima „Farmaceutska hemija I“ i „Farmaceutska hemija II“ na Univerzitetu u Sarajevu – Farmaceutskom fakultetu, Katedra za farmaceutsku hemiju – 1 izvršilac sa punim radnim vremenom,

Član 2.

(Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3.

(Propisi)

Komisija provodi proceduru izbora u akademska zvanja u skladu sa Zakonom o visokom obrazovanju Kantona Sarajevo, Statutom Univerziteta u Sarajevu, Konkursom za izbor u akademsko zvanje na Univerzitetu u Sarajevu – Farmaceutskom fakultetu raspisanom 26.06.2024. godine i Odlukom Vijeća o imenovanju članova Komisije za izbor akademskog osoblja br. 0101-3623/24 od 29.07.2024. godine,

II - NADLEŽNOSTI I NAČIN RADA KOMISIJE

Član 4.

(Uloga Sekretara Fakulteta)

Nakon usvajanja Odluke o imenovanju članova Komisije za izbor akademskog osoblja na sjednici Vijeća Fakulteta održanoj 29.07.2024. godine, sekretar Fakulteta predsjedniku Komisije dostavlja Potvrdu o blagovremenosti pristiglih prijava na konkurs zajedno sa kompletnom konkursnom dokumentacijom.

Član 5.

(Uloga Stručne
službe/sekretar
fakulteta)

Stručna služba/sekretar fakulteta prisustvuje konstituirajućoj sjednici Komisije i otvaranju pristiglih prijava i konstatira njihovu potpunost (urednost) u skladu sa konkursom, o čemu stručna služba/sekretar fakulteta izdaje odgovarajuću potvrdu koja čini sastavni dio izvještaja Komisije.

Član 6.

(Nadležnosti Komisije)

(1) Komisija iz člana 1. ovog Poslovnika, obavezna je da po primitku pristiglih prijava i dokumentacije:

- a) pregleda sve pristigle prijave i dostavljene dokaze,
- b) utvrdi ispravnost pristiglih prijava i dostavljenih dokaza,

(2) O daljnjem procesu izbora, kandidati i kandidatkinje se mogu obavijestiti putem web stranice, pismeno, usmeno, elektronski ili putem telefona.

(3) Komisija iz člana 1. ovog Poslovnika, obavezna je izvještaj sa prijedlogom za izbor u zvanje dostaviti Vijeću putem Protokola Fakulteta u skladu sa Zakonom i Statutom u roku od 30 dana od dana imenovanja Komisije.

Član 7.

(Mjesto zasjedanja
Komisije)

Mjesto zasjedanja Komisije je u prostorijama Univerziteta u Sarajevu - Farmaceutskog fakulteta, na adresi Zmaja od Bosne 8, Sarajevo.

Član 8.

(Način rada Komisije)

(1) Komisija je u svom radu nezavisna.

(2) Komisija zasjeda u punom sastavu prilikom provođenja konkursne procedure - otvaranje prijava, pregleda i razmatranja dokumentacije.

Član 9.

(Vođenje zapisnika)

(1) O toku sjednice Komisije vodi se zapisnik.

(2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke te prijedlog odluke Komisije.

III - PRIJELAZNE I ZAVRŠNE ODREDBE

Član 10.

(Izmjene i dopune Poslovnika)

Izmjene i dopune ovog poslovnika vrše se na način i u postupku propisanom za njegovo donošenje.

Član 11.

(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Farmaceutskog fakulteta.

K O M I S I J A

Predsjednik: prof. dr. Samija Muratović

Članica: prof.dr. Selma Špirtović-Halilović

Član: doc.dr. Amar Osmanović

Broj: 0101-3639/24

Sarajevo, 19.08.2024.